

祥異志

洪範以五行分配五事休徵咎徵應不爽則陰陽吉凶之說未可盡委諸荒渺也我

朝鼎運興隆初不侈陳符瑞載筆者無從傳會其詞特將前代史册所紀父老所傳者備錄之以廣聞見云志祥異

唐榮王琬子五十八人

見王暉多男考

宋淳化三年十二月榮州獻異竹圖

景德三年九月榮州禾一莖十八穗十二月榮州甘露

榮縣志

卷三十七祥異志

降

大中祥符二年九月榮州廨庭中生芝二本六年十二月榮州甘露降八年榮州應靈縣彌陀佛舍生紫芝三本其一雙幹上如蓋

天聖四年九月榮州芝生禾一本九穗

明道三年五月榮州禾一莖九穗

慶曆七年榮州嘉禾合穗

皇祐五年六月榮州芝草生

政和元年榮州粟一莖九穗

紹興三年榮州大疫

紹熙二年榮州大旱三年榮州亡麥以上俱見宋史

明萬曆年間有二蛟自山谷中出一由東溪一由北溪至城南合戍時水漲與城堦平南郊外一帶民房俱圯於水溺死者無算天啓辛酉邑人戶部主事簡勅鄉試畱成都聞奢寅之變發難於重慶有父老云二十年前有童謠曰五人要占重慶府城門緊閉一百日及賊犯成都閉門恰百日城外自十月十八日賊遺火凡七晝夜一切俱蕩爲灰燼殺戮不可勝計徐巡撫發兵之日怪風覆舟妖鳥棲樹種種異兆蓋亦若劫數厄運使然圍解勅歸述其事載之舊志云

榮

縣志

卷三十七 祥異志

二

崇禎十年九月黃時太家地鳴聲聞半里見丹稜彭遵泗蜀碧